

ՎԵՏՕՐԵԱՅԻՒՆ

ՊԻՍԻԴԵԱՅ ԻՄԱՍՏԱՍԻՐԻ



(Տես զսկիզբն յէջ 109)

- 107 Քանզի 'ի վեր ամբառնայ (երկինք և խորանայ¹ 'ի վայր,
եւ պարզի ըստ ձորութեան 'ի լայնութիւնն².
Հաւասար շուրջանակի զմեկուսութիւնն ունի.
- 110 Կայիւք փախի³, և շարժիւք կայ մնայ.
Կայս զշարժութիւնն ունի անճառարար⁴,
Ընթանայ հանդերձ ամենայնիւ⁵ զհակառակն,
Որպէս զի մի զոյգ շարժութիւն վարուցն⁶
Մղումն ինչ կրելով 'ի վայր կործանեացի 'ի կարգէն.
- 115 Քանզի հակառակն ընթացիցն վայելչաբար
Երազութեամբ, և շուրջ ընդդիմացեալ
Ունի զպնդութիւն վարուցն. զի մի գուցէ
Ի վայր եկեացէ բերմանն ուժգնութիւն
Թափմամբ սուր⁷ ընթացիցն.
- 120 Այլ որպէս շաղկապ ինչ ընդդէմ պնդեալ
Հակառակ հողովիւքն՝ շարակալեալ լինի վաղվաղմամբն,
Հիմամբ ընթացիւք, և բերման կառուցմամբ⁸,
Է ամենայն ծայրագունից ծայրագոյն.
Սահման է ամենայն սահմանաց,
125 Մեկուսի է ամենայն մեկուսեաց.
Ոչինչ է սորա չափ՝ բայց անչափութիւն,
Յայսմանէ հրաշացեալք ընդ սահիւքն⁹
Որպէս ընդ արձակ, ընդ անբովանդակելի և ընդ ամբարձեալ,

1. Յօրինակի մերում կ'ըսնայ:

2. Այս է, պարզեալ ձգի ընդ լայնութիւն, ըստ օրինակի ձորոյ:

3. Յօրինակի մերում՝ շարժի:— Իմա 'ի կալ դադարեւն՝ շարժի, և 'ի շարժելն՝ կայ մնայ:

4. Իմա ըստ յունին՝ և զկալն և զշարժումն ունի սքանչելապէս:

5. Զայն բառն σὺν πᾶσι յեղեալ է թարգմանչին մակբայաբար 'ի հայումն, փոխանակ գոյականի. այլ իմաստքն են. Ընթանայ զհակառակն համայն եղելոցս:

6. Այս է, ընթացիցն, հոլովանցն (ἐλασας). գուցէ 'ի լեւեմ, լեւեմն բառից:

7. Թուի լինել շուրջ, ըստ յունին κενός.

8. Այս է, հիմանն ընթանալով, և բերմանն (φορὰ) հաստատուն կալով:

9. Այսպէս յօրինակին. գուցէ ընթեռնուլի ընդ աւ հիւսիս. այլ յոյնն ունի. որպէս ընդ մեծ (ὡς μέγαν).

- Առասպելս իմն ստեղծին բա՛ղազուշեալ աշխատութեամբ՝¹
 130 երկայնս ինչ 'ի ներքուստ հաստատեալ սինն .
 Թերևս երկայն խորութիւն անյայտութեանն՝
 Սիւնս ինչ անյայտս տպաւորեալ ստեղծուածոց ,
 Քանզի մեծ է՝ որպէս Աստուծոյ փորր ւթոռ .
 Կամ՝ գնացս յարուցեալ², որոյ յոգնումն ոչ գոյ ,
 135 Մինչև գալարեսցէ՝ որ կառոյցն զնա՝ բան :
 Զգենու զպատմութեանն մեծ՝
 Զօդ , կըկեալ կըկոցաւ . պանշելեաւ ,
 Հեղեալ ճաճանչեղ և նուրբ հոսմամբ ,
 Սահեալ մտեալ յամենայն մարմնեղէնս :
 140 Յառաջ գոյ փեսայաբար պսակեալ ,
 Առեալ մարգարիտ պայծառ՝ զատեղս ,
 Ունի և 'ի լանջման կարկեհան մի ,
 Որպէս հուր փայլակեալ առ տիւ .
 Իսկ այլ սպիտակ հրատեսակ՝ առ ոտան կոյս ,
 145 Յուցանելով սպիտակ ամենայն ուրեք զգիշերն .
 Արգելեալ ունի զամենայն՝ որպէս 'ի բանտի ,
 Պահէ պարսպեալ զտարերս ամենայն .
 Ծոց լինի ամենայն շարժնոցս .
 Հասանէ ամենայն շարժմանց , ընդ նմին շարժելով զամենայն :
 150 Ի միջի բերէ³ զերկիր՝ իբրև զկէտ մի ,
 151 Ի վերայ ոյնչ՝⁴ կառուցման կառուցեալ :
 153 Պատէ զանդունդս՝ որպէս 'ի խանձարուրս ,
 Շաղի զամենայնիւ՝ որպէս զուռկանաւ .
 155 Պնդէ զամենայն , ընդ ինքեան ունելով միայն⁵ .
 Որ⁶ զայսքան աշխարհս արգելեալ 'ի ներքս ,
 Արտաքուստ կուսէ ինքն լինի պնդեալ լայնութեամբ .
 Քանզի չափ⁷ երկնի՝ անչափութեամբ ,
 Եւ առ քն՝ կէտ մի⁸ է անձուկ :
 160 Ո՛հ նարագործդ բազմաշուրջ յարկիդ ,

1. Բոյն բնագիրն . Առասպելս իմն ստեղծին , որպէս Թէ Ասլանդեայ աշխա-
տութեամբ , և այլն :
2. Բոյնն աւել . "H6a ծէ , Կդրծն այս է՝ աբդու-ն + ծերու-նե-ն , փոխանակ բառիցդ
կամ բնացս յարուցեալ :
3. Բօրինակի մերում՝ 'ի Ռէ բերելով շերիւր որդե-ն զիւր Բի :
4. Բօրինակի մերում՝ ունչէ :
5. Σολ μόνον κρατούμενα .
6. Որինակ մեր . Եւ զայսքան :
7. Որինակ մեր՝ համաձայն յունին՝ զի չափ երկնն :
8. Բօրինակի մերում՝ Եւ առ իւր իւր է 'ի անշու-ն :

- Ձի սքանչելի վայելութեամբ գծադրեալ զձեզունն,
 Գո արուեստիւդ՝ յարկեա զստորինսս,
 Եւ զպանդուխտս ընդ երկնի յարկաւ,
 Զեռուցանելով և խարուկելով զօդս,
 165 Սակայն ոչ կիզուլ ջերմութեամբն զարարածս,
 Այլ որպէս թուեցաւ քեզ՝ պատշաճել զամենայն բնութիւն:
 Եւ զանյայտ էութիւն հրեշտակաց,
 Կամ հոգիացուցեալ՝ կամ սրագոյն բոց.
 Զջերմութիւն նոցա և զսրութիւն տրամադրեալ².
 170 Կամ չորեքկերպեան ձեռով կենդանի պատկեր,
 Զկարծրութիւն նոցա կենդանագրելով և զզանազանութիւն.
 Կամ՝ զբազմութիւն աշաց նոցա բացելից,
 Որպէս զի զլոյսդ³ յայտնագոյնս տեսցեն,
 Եւ մի զանխլանալ⁴ ի ստորինս շարժելոցս:
 175 Բանգի⁵ քեզ մատուցանեն զերգս՝ որպէս յաղթողի,
 Քերովբէք և պետութիւնք և զինուորութիւնք աթոռոց.
 Եւ ամենայն սերովբէք անշարժ երազութեամբ⁶
 Կայիւք թռչին՝ և կառուցմամբ ընթանան.
 Եւ երկոքին թևօք՝ զերեսացն
 180 Մածկեն տեսութիւն. իսկ երկուքն զոտս,
 Եւ երկուքն ի բարձունս թռչին մեծս:
 Եւ զերեքլուսեան սրբութեանն երգս
 Միոյ տէրութեանդ պատշաճեն պաշտօն⁷,
 Յուցանելով բարեղք ժողովումն՝ որոշմամբ,
 185 Եւ ժողովմամբ տեսանելոյ⁸ բանին,
 Անշատաբար զառանձնաւորութիւնսն պաշտել,
 Եւ միաւորութեանն⁹ երկրպագութեան՝
 Յայտնաբանական յստակել¹⁰ զուղղափառութիւն,

1. Օրինակ մեր՝ համաձայն ընդ յոյն բնագրին՝ դնէ հօգի ցոյցեալ:

2. Յոյնն՝ նկարագրեալ, նշանօք ցուցեալ (διαγράφω).

3. Օրինակ մեր ունի դո լոյս:

4. Օրինակ մեր՝ չգանձեալ ի ստորինս:

5. Յօրինակի մերում չիք տեղի:

6. Օրինակ մեր՝ անշարժութիւնք. յօրինակի Անտոնեան Հարց գրեալ կայր աշխարհ երազութիւնք, գուցէ վրիպանօք ընդօրինակողին. յոյնն ունի՝ ըստ որում մեքս եղաք անշարժ երազութիւնք (εις ἀκίνητον τάχος).

7. Յօրինակի մերում՝ ի գոյրքս պարտեմ:

8. Յօրինակի մերում՝ Գեորգիւլ. այլ թուի թարգմանչին կամ առ սխալագիր բնագրին և կամ թիւր ընթերցմամբ չփոթեալ զԹԵՐՅՐՏՈՒՄ (յաստուածուստ հեղոյ կամ հոսեցելոյ) ընդ ծօրձա (տեսանեմ) բայի:

9. Օրինակ մեր՝ ըստ յունին դնէ. Եւ միաւորապէս երկրպագութեանն:

10. Յօրինակին յոսկիւ. եղաք զուղիղն ըստ մերումս օրինակի և ըստ յունին:

- Զարթութիւն¹ Բանին մարմնացեալ,
 190 Ոչ սահել 'ի յայլացեղ չորրորդութիւնն² :
 Այլ մի դէմ, և աստուածպետութիւն մի .
 Եւ նախ քան զմարմինն՝ օրհնել³, և մարմնով⁴
 Զբանն զնոյն՝ մարդ, և աստուած բնութեամբ :
 Ոչ յաւելուածով շփոթեալ և ոչ անջատմամբ .
 195 Սակայն չարչարեալ⁵, այլ ոչ փոփոխեալ շփոթմամբ,
 Կրկին զմեկին⁶, առանց խառնակութեան :
 Ո՛ր առ գեղեցկութիւն 'ի բարձունս ստացուածոցն⁶,
 Բուրաստան տնկեալ աստեղաց բազմաց,
 Զգիշեր զարդարեցուցեալ և զգեցուցեալ զտիւ,
 200 Զլոյս մաքրեալ և թխայուցեալ⁷ զերեկ .
 Հուր մշակեալ և սերմանեալ ջուր,
 Զհասարակաց պիտոյիցն գանձարան :

Շարունակեցի :

1. Յոյնն՝ շարթութիւն (ծնօդդա) .

2. Յօրինակին օրհնելու :

3. Որինակ մեր դէմ . Եւ նախ քան զմարմինն, և յետ մարմնով, և այլն :

4. Զիք 'ի յոյնն առաջն շարթութիւն՝ այլ ասէ . Եւ ոչ անջատման կրկնով միայն (աստուածութեանն անձին) :

5. Իմա՝ (օրհնել) զնոյն (զերկուս բնութիւնս) և զիւր (զմի անձն) . կամ մակրայօրէն՝ յիւր (օրհնել) զնոյն (բնութիւնս) :

6. Իմա՝ արարածս, ըստ յունին :

7. Յօրինակի մերում . Զլոյս մարեցել և միացուցել զերեկ :

